

Casualias in noss cumüns

Battaisems:

Sienna Marilena Thomas, 11.6.2023, Ardez

Nozzas:

Sidonia e Fadri Cantieni, 8.7.2023, illa baselgia da Ftan

Mortoris:

Anna Marighetto-Clagluna, 16.6.2023, Ardez




Absenza da nossa ravarenda

Sco fingià manzunà aint in l'ultima LA PUNT, das-chan ils e las ravarendas in nos chantun tour ün congedi davo set ons in piazza. Usché cha nossa rav. Marianne Strub gioda amo seis congedi **fin als 26 d'avuost**.

In quist temp vegn ella rimplazzada **fin als 6 d'avuost** da *duonna rav. Margrit Uhlmann, 081 862 23 61* e da là davent **fin als 27 d'avuost** da sar rav. *Roland Brendle, 079 963 64 76*

Ad els duos giavüschaina ün agreabel temp in nossa raspada.



Dals **9 fin 18 d'october** es nossa ravarenda in vacanzas d'utuon. Davo es ella amo dals **19 fin 22 d'october** sül viadi da confirmands e confirmandas a Basilea.

Düront quist temp vegn ella rimplazzada dals **9 fin 14 d'october + 20 fin 23 d'october** dal rav. *Christoph Reutlinger, Tschlin, 081 866 32 63* e dals **15 fin 19 d'october** da la rav. *Dagmar Bertram, Scuol, 081 864 12 03.*

Pravenda

Dna. rav. Marianne Strub,
Chasa da pravenda, 7546 Ardez
081 862 23 61

marianne.strub@gr-ref.ch

Secretariat

Corporaziun evangelica Ardez-Ftan-Guarda,
secretariat, Arfusch 166, 7546 Ardez
081 860 34 10

secretariat.pravenda@bluewin.ch

www.ardez-reformiert.ch



LA PUNT



Infuormaziuns da la corporaziun evangelica Ardez-Ftan-Guarda



AVUOST, SETTEMBER ED OCTOBER 2023



In viadi

Ün fich bel viadi a Genevra ha gnü lö la fin d'avrigl. Grazcha a l'organisaziun e la guida da Silvia Schlegel vaina pudü giodair ün'interessanta spassegiada tras cità süls stizis dals Uguenots, ün bel inscunter illa baselgia da la Fusterie, ün'impreschiunanta visita i'l museum da la Crusch Cotschna, ün pachific viadi cun la barchina «mouette» ed ün solen cult divin illa catedrala Saint Pierre. Specialmaing vaina giodü la cumpagnia, il esser insembel in viadi e la bella cumünanza cun discuorrer, mangiar, giovar e rier insembel.

Ün oter bel viadi ha gnü lö cun las confirmandas e'ls confirmands al cumanzamaint dal mais mai. Eir quist viadi ans ha manà in Svizra francesa ; quista jada ad Yverdon, Neuchâtel e Lausanne. Scuvrir la catedrala da Lausanne e verer sur la cità e'l Lac Léman davent da las otezzas dad üna da las tuors d'eira ün dals puncts culminants.

Eu giavüsch a tuots ün bun e bel temp, a quels chi sun in viadi ed a quels chi giodan la stà in noss bels cumüns, rav. Marianne Strub





Cult divin a Giarson

dumengia, ils 3 da settember a las 16.00

La corporaziun invida cordialmaing al cult divin cumünavel chi ha lö a Giarson. La predgia tegna rav. Marianne Strub e davo il cult divin daja ün aperitiv davant baselgia.

Organisaziun da transport per Ftan/Ardez: Nataglia Blanke, 081 850 22 04 e Cilgia Florineth, 081 864 10 07 per Guarda: Not Armon Willy, 079 682 44 58.

Festa da rogaziun federala

dumengia, ils 17 da settember, a las 9.30 ad Ardez, a las 11.10 a Ftan ed a las 17.00 a Guarda.

Pro tuots trais cults divins daja üna Soncha Tschaina ed il mandat da la regenza grischuna vegn prelet.



Festa da la racolta e cult divin ecumenic pro'ls Lais da Pesch a Ftan

dumengia, ils 8 d'october a las 11.00

La corporaziun evangelica e la corporaziun catolica invidan ad ün cult divin ecumenic per la Festa da la racolta. La predgia es cun rav. Marianne Strub e rav. Christoph Willa a Ftan pro'ls Lais da Pesch. Davo la predgia daja la pussibilità da sezzer insembel e giodair ün grillada.

Occurrenzas da noss progets:

Il Sainin



venderdi, ils 22 da settember tanter las 9.30 e las 11.00 ha darcheu lö il Sainin illa sala cumünala ad Ardez.

Tuot ils uffants tanter 0 e 5 ons - accompagnats dad ün creschü - sun cordialmaing invidats da gnir a tadar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns as poja contactar a rav. Marianne Strub, 081 862 23 61.

La Predgina



La Predgina cumainza darcheu davo las vacanzas da scoula d'utuon. Infuormaziuns seguan a temp ütil da las manadras Cilgia Koller ed Annina Mengiardi.

Ulteriuras occurrenzas a regard noss progets vegnan publicadas sün nossa pagina d'internet e sün placats.

Radunanza da preventiv

La radunanza da preventiv da la corporaziun evangelica Ardez-Ftan-Guarda ha lö in **mardi, ils 31 d'october a las 20.00** illa baselgia da Ftan.

L'invid e las tractandas vegnan publicadas a temp ütil.



Concert in baselgia ad Ardez

mardi, il 26 da settember a las 17.00

In occasiun dal «StradivariFest 2023» a Scuol, dà il **StradivariQuartett** eir ün concert aint illa baselgia refuormada d'Ardez.

Bigliets as poja reservar pro'l turissem Engiadina Scuol Zernez, 081 861 88 00

Maisas da gantar per tuots e tuottas dad Ardez e Guarda

Las prossmas maisas da gantar han lö i'l hotel Alvetern a las suandontas datas:

- mardi, ils **8 d'avuost**
- mardi, ils **5 da settember**
- mardi, ils **3 d'october**

Annunzchas, fin il **plü tard** il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

